

MARKING SCHEME

2020 EXAM

CLASS – XII MIZO (198)

1. Mizotawngah hian thu hma lama bei leh thu hnung lama bei a awm nual a, a hmalama bei hi prefix tih a ni

Entirna :

PREFIX Mah :-mahni chauha chen chu a hrehawm.
PREFIX Mi :- mipui tam tak an lo kal.

Thu hnunglama bei hi suffix tih a ni. Thumal dang an kawp loh chuan anmahni chauh hi chuan awmzia a nei lova, awmzia nei tur chuan thumal dang an kawp a ngai a ni.

Entirna:

SUFFIX Ti :- Ruahsur hi pawiti viau suh
SUFFIX Pui:- Kal thui I tum chuan kalpui nei rawh.

2. T.H Lewina hian a lehkhabu-ah mizo hnam chanchin tam tak a ziak a, chung zingah chuan mizoten hnamdang tawng kan lak chungchangte pawh ziahlan a ni a, a lehkhabuah chuan mizo nilo hnamdangte :

- (1) Vai tih an nih thute ziakin, unaupa tih aia bhai an tih chu mizoten vai tiin kan lo sawi vet hung a ni. Chubakah,
- (2) pawisa kan tih hi tangka tia ziak a ni bawk a, hei pawh hi Bengali tawnga paise tih kha pawisa tiin mizotawng angin kan lo hmang ve ta mai a ni. Heng bakah hian mizoten hnamdang tawng kan lak tam tak a la awm.
- (3) License pawh Laisuih tia sawiin, lehkhaha reng reng chu Laisuih an ti bawk a ni.

3. Kum 1870 – 1920 inkarah hian mizoten hnamdang tawng kan la nasa hle mai a,, chung zingah pahnih langsar deuhte chu:

- (1) Sapin company an tih chu Kumpinu tiin kan hmang a.
- (2) Vaiin an tawng leh saptawng kaihfinna Bara-sahib an tih chu Bawrsap tiin kan hmang.

4. Mizotawng ni si lo, saptawng atanga lak leh kohhranten kan hman uar tak thumal tam tak a awm a, chung zingah chuan,

- (1) Sacrament
- (2) Missionary tih te hi a lar pawl an ni.

5. Adverb lam nawn hi double adverb an ti a, mizotawngah hetiang hi kan nei nual a, an hlu em em a ni. Adverb thumal kan neih thenkhatte chu lam nawn loh chuan kan tawngah hian awmzia an nei thui lo hle a, kan lam nawn khan a nih tur ang a nih tir a, a fiah bikin, sawifiah leh hran ngai lovin a chiang em em a ni. Double adverb hi hnamdang tawngah pawh awm manglo, mizoten kan neih a ni a, kan tawng a tihausa em em a ni.

Entirnan:

- (1) Ka lo kal ngei ngei ang
- (2) Pangpar chu a mawi em em a ni.

6. Adjectival Adverb tifah tur entirnatte chu:

- (1) A vawm ri karh mai
- (2) A rum ngel ngel mai

7. ' Fahrah Dinmun dik tak'

8. Hmanlai kan pi pute kha thiamna leh finna kawng tam takah engmah ni lo mahse, mahni mihringpuite chung a rilru puthmang leh ram leh hnam anga hmalak ho a tul hunah chuan an lo tangrual thiam khawp mai a, indo reng renga khawsa an ni chung khan pawnlam atanga neksawrna leh hnamdang hmachhawn tur chuan unau an nih zia an lo tilang fo thin a ni.

Tunlai mizote nen han khaikhin chuan tluk lohna tam tak kan nei ngei mai. Inrintawna leh inunauna tilang turin chakna kan nei tawk lo fo mai. Hnam tlem zawk tana paw ber thin chu tanho theih lohna hi a ni thin a, hemi kawngah chuan hmanlai mizote hi tunlai mite hian kan tluk lovin, an lakah zir tur kan ngah hle a ni.

9. He thuziak atanga a landan chuan Kristianna lo luh hnu hian mizo thalaite nun chu a danglam ta hle mai a. Lengzem hla sak chu Kristiante tan mawi lo leh thiang lo tluka ngaihna a lo awm tak avangin lungleng ve fo mizo thalaite chuan nulat tlangvalna kawnga an khawharna tihlan a rem loh avangin nun chep tak an hmang a. Rilrua vei nei leh chak lohna neite chuan inhnemna an zawng ruai a ni ber a. Rilru zau pua mahni rilru phawrh chhuak ngam mi tlemte te chuan an rilrua awmte an phawrh chhuak ngam a, lo tuipui vetu pawh huaisen ngai tak anih avangin an rilruin a dap zau a, hnamdang hla leh a thluk hialte lakluh leh entawn a lo ngaih phah a ni.

10. He thuziak ropui tak hi a chhiartute tan fuihna leh chona tha tak a ni ngei mai. Nawmsakna thlahlel tak mizote hian dinmun sang kan chan chang hian tu leh fate chhiatnain a zui thin emaw tih mai tur hian kan awm thin a. A awmzia takah chuan nawmsakna hi kan hmang thiam lo mai ni lovin kan chhiatpui fo mai.

Rilru nei taka hmalam pen tumte tan chuan retheihna hian chhelna min pe thei teh meuh mai. Chutih rual chuan dinmun duhawm zawka awmte hlei hlei hian inngaihtuah an ngai bawkin a lang. He thu hian dinmun harsa zawka awmte a hnem a, a fuih bawka. Dinmun duhawm zawk leh nuam zawka awmte tan lah inhmuhchhuahna tham leh dangthlang ang

11. (1) Tlangval, nupui la nei lo, zawnglai sawina a ni.
(2) Kal ngaihna hre lo,, a laklawha awm
(3) Lo thleng thut sawina a ni
(4) Lui emaw, tlang emaw, siam chawp ni lo indaidanna awm sa
(5) Thil awmdan leh nih dan pawh hre lova lo nui ve ngawt sawina a ni.

12. (1) Nang hi kel chawl an sawi ang mai, thil i thial reng mai.
(2) Thlengtlawr zuan an sawi ang mai a ni, a tha dang a dap kual reng mai.

13. Ziaka awm leh hmuh theih chauh hi mi thenkhat chuan literature-ah an chhiar thin a, amaherawh chu hnam tinin kan neih, kan pi pute atanga thu leh hla kan inhlanchhawnte hian nun a tihausain, tawngka maia inhlanchhawn ni mahse a hlutna a nep chuang si lova, hetianga ziak leh chhinchhiahna hmuh tur awm si lova, tawngka chauha kan inhlanchhawn thin hi Oral Literature chu a ni.

14. Pu Buanga leh Sap Upain Mizorama chanchintha an hril tan tirh dawnah, Bengali hawrap an lo hman nel nual tawh chu thlakin Roman script-in tuna A AW B kan hmanlai hi min siamsak a, record-a a awmdan chuan, “ A AW B thar chu ni 1 April 1894 atangin an zir tan” tiin ziakin a lo dah tha a ni. Kum 1894 March thla vela siam ni ngeiin a lang.

15. Mizote hi thian inkawm leh inlenpawh nuam ti chi hnam kan nia, thenawm khawvengte inhrechiang tak thin kan ni. Kawng tam takah thatna nei mahse hmasawn zelna kawngah leh rual elna kawngah min tichaklo viau thei bawk. Hnamdangte nena khawsak ho nikhua pawhin kan inkawmngaih dan leh kan khawtlang nun hrim hrim hi chu nuam min tihpui viau zel a, kan hunt ha tam tak erawh kan khawhral thung.

Lehkha zir lama tui mi leh mi taimate tan chuan kan khawtlang nun hian hun a he hem avangin awmdan chin tawk thiam a ngai khawpin a lang. Chumi piah lamah zirlai ni lemlote pawhin zirlaite hmakhua ngaia zirna tithuanawp khawpa huho nun kan lak vung lutuk chuan ram leh hnam tan thleng pawhin nghawng tha lo a nei thei tih kan hriat chhuah a hun tawh khawp mai. Zirna leh khawtlang nun hi kalkawppui thiam a har rih viau ngei anga, zirlaite tan fimkhur tak leh fing taka hun hman thiam a tul tak zet a ni.

16. Khawvel ram zau takah hian Mizoten a huhova krismas an hman ang taka hmang hi a thahnem lo viau mai thei. Sakhaw dangten an hunpui leh sakhaw hun pawimawha an chet dan kan hriatpui ai mahin krismas hman dan hian ngaihven leh entawn a hlawh a ni.

Thlasik boruak a lo intan a, boruak awmdan hrim hrim pawhin chakna leh phurna a rawn siam thar a, ei leh ina induhsakna chu pawimawh viau bawk mahse, silh leh fen lama an inbuatsaihna ringawt pawh hian sumdawngte tan vanneihna a thlen ang thovin, kumpui lingleta he hun atana lo inbuatsaihtute pawhin insengso deuh mah se channa-ah an ruat bik lo. Krismas lo awm chhan leh a hlutna chu theihngihl theih a nih loh avangin hnam azawnga hnam inkungkaih kual nasa Mizote tan hian he krismas hian a hlutna a chhuah zual emaw tih tur a ni a, hmun leh hma leh rosum atanga teh theih loh, thirlung lam inbuatsaihna leh thlakhlehna chuan mizote krismas hi krismas azawnga duhawm ber pawlah a chhuah a ni.

17. “ Phengphe nunnem leh zaidam,
Vahkhuai tho leh hmiri pan”

He hla thu hi ‘Phengphe nunnem’ tih hla chang thumna atanga lak chhuah a ni a, a phuahtu chu Zirsangzela Hnamte a ni.

A hla pumpui atanga kan hmuh nghal mai theih chu Phengphehlelep chanchin a ni a, Siamtuin a siam danah phengphehlelep anga a awm hunchhung reilote chu a duhawmna zawng zawng nen a thlawk kual vel a. Awmna hmun nghet bik pawh nei lovin pangpar zu dawtin nilengin a thlawk kual vel thin a ni.

Chu Phengphehlelep ngei chu chhun nisat lai ber pawhin mite hmuh theih turin chawl lovin a leng kual a, a taksa rawng tial mawi tak leh a fukna pangpar rawng inpawlh chiaie chu thlir nin a har thin. Midang tana hnawh leh tangkailoin a awm ngai lova, chumai bakah an zia leh pianghmang inang lo tak tak, fanghmirte, khuai leh tho chi hrang hrangte nena duh inang leh indip buai miah lova pangpar zu an dawt kual thinte han hmuh chuan, mihring nun nen a inhlath thin zia a langa mihring nun hi tahpui tlawk tlawk tlak khawp hlimthla a lo lang thin.

Hla phuahtu chuan chu Phengphehlep chu an in leh a chhehvela thlawk kual fo thin tur leh an in velah pawh leng kual vel thin turin a thlahlel reng a, chu nun hahdam leh belhchian dawl chu a nun khawhar tak hnemtu atan a ngai em em thin a ni.

18. Hla phuahtiam Lalzova hi mi lungleng thei tak a ni a, khawlai tawngkamah phei chuan lunglen vanga thi niin a thang hial a ni.

A hla atanga han thlir hian ngaihzawng runthlak takin a nei a, mahse hmun hranah an awm baw si. An rilrua induhna leh hmangaihna avang chuan inhmuh an chak em em a, chute chung a inhmuh thei miah lova an awm chu tawrh har an tie m em a. A chenna hun atang chuan a ngaihzawngte chenna hmun lam chu a han hawi thin a, a ngai ngawih ngawih thin.

A lungleng chu a thuk em em mai a, a ngaihzawng nena inhmuh thei lo leh an chen dun theih dawn loh chuan tuma ngaihsak lova khaw daifema thih mai mai pawh a thlang hial a ni. A duhtusamah chuan sava anga thlawh kual a, a ngaihzawngte khaw hmun vel han fan kual theih a chak em em a, mahse a theih si loh. Chutiang chuan lungleng em emin a hun a hmang nileng thin a ni.

19. Hla substance “ Laikhum zala ka dawn pawhin”

Mut hmuna ka han ngaihtuah chang hian
Sawifiah har ka tiin a mak a ni
Mumang lamah Pheichham nen intawngin vanneihna ka lo chang nge
Eng ti tiha mi hrang daihin ‘duhlai’ min han ti mai nge maw i nih le.

Unau piang hmun kan ni lova
Kan inchhung baw si lova
I nu leh pa leh ka nu leh pate laina hnai an ni baw si lo
Thildang vang a ni thei lo
Pathian ruat ngei kan ni
I sakmel duhawm ka tawn chang hi chuan
Ka nun hi a thar sawng sawng thin a ni.

Induhtawna thu tluka ngaihtlak nuam leh ropui a awm si lo
Chutiang thu kan inhrilh tawn hunt e kha aw
Ka tan hian a hlu lutuk a
Mumang ni hialin ka hre thin
Ka chhungte zawng zawng leh ka nu leh pate pawh hrilh ka duh a ni

20. (1) Mahni fa duh tak chante ho chu kan inthural ngei ang
(2) Ka rilru a na leh thin chip chiar taka ka ngaihtuah chang chuan.

21. (1) Einstein
(2) John Milton
(3) Lama leh Laithangpuia
(4) Rilru huaisenna
(5) Hnam rinawm

22. Thiamna hi intihropui na leh intihtheih nana hman tur a nil ova, mithiam chu a nungchang a mawiin, thatna, dikna leh rinawmna a nei tlat tur a ni a, chu thiamna ngei chu Lo vahna chem. Leh Hreipui anga hman tur a ni a, hna thawh thiam nana hman tur a ni.

Dawhkan ropui kilpui atan leh thusawina atan chauha hman tur a nil ova, hmasawmna hna thawh nan leh hnatawh kawr anga hman zawk tur a ni.

23. Khawkhat nula hmelthate hian ertu leh thiktu an ngah thei hle.

24. Mizo hnahtlak chi ruka khaikhawm theihthe chu; Lusei, Hmar, Ralte, Paite, Pawi, Lakher

25. Huaisenna tih tawngkam ringawt pawh hian a ngaithlatu leh chhiartu a hneh nghal a, zir chian erawh ngai tak a ni thung. Huaisenna dik lo a huaisen khan awmzia a nei lova, huaisenna dik tak chu dikna-a din tlat ngamna leh thu dik tan tlat ngamna hi a ni chiang mai. Mahni chhia leh tha hriatna pawh hloh thak khawpa midang ngaihchan hi huaisenna a ni ngai lo vang a, dawihzepna a ni ngei ang.

26. Mizoten kan pi leh pute atanga ze hrang hrang kan hmuh theih zingah, tlawmngaihna, taimakna, huaisenna, rinawmna, te a ni a. Mizo chu viak tha, intodelh, midang tanpui peih, thiam thil ngah, thian kawm thiam leh aia upate zah thiam kan ni. Heng ze hrang hrang kan hmuhte hi kan pi leh pute atanga kan hmuh leh kan chhawm zel chu a ni.

27. Kaphleia thawnthu ziah Chhingpuii tihah hian, mihring dinhmun thatlai leh chhiatlaia lainattu leh hmangaihtu tha tak takte chiang takin a hriat theih a. A tlangval thatlai leh a dinhmun thatlai chuan Kaptluanga chuan laina hnai a ngahin, amah hnaihtu leh ka u ka nau titu a ngah em em a. Mahse a dinhmun a lo chhiata, natnain a tlakbuak hnu chuan a hma zawnga hmangaihtu leh duhsaktu nia langte kha an bo zo ta. A chhan chu a lak atangin beisei tur thil tha a awm tawh loh vang a ni.

Kaptluanga nun atang hian mihring nun chiang takin a lo lang a. Vanneihna leh dinhmun duhawm taka mihring nun a awm lai chuan anmahni bawrtu leh zarzo tum an tam thei em em a. Amaherawh chu harsatna leh tlakchhiatna a lo thlen hnu erawh chuan chung mite chu ui puar koh ang hlah an ni tawh thin. Chu dinhmun chu Kaptluanga nun atang hian a lang chiang em em a. A dinhmun a lo chhiat hnu chuan ka u ka nau titu pawh an awm ta lo a ni. A hmangaih leh amah hmangaihtu dik tak Chhingpuii chauh lo chu.

28. (1) October thla bial zan
(2) Tluang hrui an mut
(3) Ni thum
(4) Naupang an ngaihawm e an ti
(5) Hmaram, Puanrin, Zufang
(6) A dawih vangin a that an ti.
